

L I G J  
NR.7761, DATE 19.10.1993

PER PARANDALIMIN DHE LUFTIMIN E SEMUNDJEVE NGJITESE

Ne mbeshtetje te nenit 16 te ligjit nr.7491, date 29.4.1991  
"Per dispozitat kryesore kushtetuese", me propozimin e Keshsillit  
te Ministrave,

KUVENDI POPULLOR  
I REPUBLIKES SE SHQIPERISE

V E N D O S I

KREU I

DISPOZITA TE PERGJITHSHME

Neni 1

Me termin "semundje ngjitese" do te kuptohet grupi i  
semundjeve qe shkaktohen nga mikroorganizma dhe parazite  
semundjshkaktues qe transmetohen drejtperdrejt ose terthorazi nga  
njeriu i semure ose bartesi te njeriu i sendoshe (antroponozat)  
dhe nga kafshet e produktet blegtorale te njerezit  
(antropozoonozat).

Neni 2

Parandalimi e luftimi i semundjeve ngjitese ne territorin  
e Republikes se Shqiperise eshte i detyrueshem.

Neni 3

Parandalimi dhe luftimi i semundjeve ngjitese organizohet  
dhe drejtohet nga Ministria e Shendetesise dhe e Mbrojtjes se  
Mjedisit dhe perfshin kompleksin e masave per zbulimin ne kohe,  
evidencimin e shfaqjes, ndalimin e perhapjes dhe mjekimin e tyre.

Neni 4

Strukturat e sherbimit per luftimin e semundjeve ngjitese  
ne Ministrine e Shendetesise dhe te Mbrojtjes se Mjedisit dhe ne  
institucionet vartese te saj percaktohen dhe miratohen nga  
ministri i Shendetesise dhe i Mbrojtjes se Mjedisit.

Strukturat organizative per parandalimin e luftimin e  
semundjeve ngjitese ne Ministrine e Mbrojtjes dhe ne Ministrine  
e Rendit Publik percaktohen ne bashkepunim me Ministrine e  
Shendetesise dhe Mbrojtjes se Mjedisit.

## Neni 5

Sherbimet e luftes kunder semundjeve ngjitese prane Drejtorise se Shendetit Publik ne Ministrine e Shendetesise dhe te Mbrojtjes se Mjedisit, ne Institutin Kerkimor te Higjenes dhe Epidemiologjise, ne Drejtorine e Shendetit Publik, si dhe ne Ministrine e Mbrojtjes, Ministrine e Bujqesise dhe Spitalin Qendror te Ushtrise, jane struktura shteterore te specializuara qe kontrollojne zbatimin e ligjshmerise ne kete fushe, ne :

- a) institucionet e sherbimit shendetesor ne te gjitha nivelet shteterore ose private;
- b) strukturat e sherbimit shendetesor ne vartesi te Ministrise se Mbrojtjes dhe ato te Rendit Publik;
- c) strukturat e sherbimit qeveritar ne qender e ne baze;
- d) sektore shteterore ose private dhe veprimtarite e personave fizike e juridike te te gjitha llojeve, ku rrezikohet perhapja e te gjitha semundjeve ngjitese.

Punonjesit e ketyre sherbimeve jane persona te specializuar.

## Neni 6

Drejtoria e Shendetit Publik ne Ministrine e Shendetesise dhe Mbrojtjes se Mjedisit, mbeshtetur nga Instituti Kerkimor i Higjenes dhe Epidemiologjise e ne bashkepunim me Institutin e Kerkimeve Veterinare, si dhe nga sherbimet e epidemiologjise ne rrethe, studion, analizon dhe pergjitheson ne menyre shkencore situaten epidemiologjike te vendit dhe percakton zgjidhjet e strategji te per permiresimin e vazhdueshem te saj.

## Neni 7

Te gjitha strukturat e sherbimit shendetesor paresor, si mjeku i familjes, poliklinikat, dispancerit, qendrat shendetesore, keshillimoret, ambulancat periferike e qendrat kurative kane per detyre:

- a) Te evidenojne gjendjen e semundjeve ngjitese ne territorin qe mbulojne dhe te zbatojne masat qe percaktohen ne kete ligj.
- b) Te pergatitin plankerkesat per medikamente dhe bazen materiale te nevojshme, si dhe te zbatojne skemat per imunizimin e popullsisë, mjekimin dhe mbikqyrjen e semundjeve ngjitese.
- c) Te informoje rregullisht per rastet e semundjeve ngjitese dhe mbulesen vaksinale ne sherbimet perkatese epidemiologjike.
- ç) Te bashkepunojne me sherbimet e specializuara te higjenes dhe te luftes kunder semundjeve ngjitese ne rreth, me sherbimin veterinar ne organet e pushtetit lokal dhe me shoqata te ndryshme per permiresimin e kushteve higjeniko-shendetesore te mjedisit familjar dhe atij komunitar dhe per ngritjen e nivelit te njohurive shendetesore te popullates.

## Neni 8

Organet e shendetesise te te gjitha niveleve detyrohen te informojne rregullisht per situaten e semundjeve ngjitese e masat parandaluese, organet e pushtetit lokal ne territorin ku veprojne.

Organet e pushtetit lokal detyrohen te mbeshtesin veprimtarine e punonjesve te shendetesise per zbatimin e masave per parandalimin dhe luftimin e semundjeve ngjitese, te parashikuara ne kete ligj.

## KREU II

### PER MASAT E LUFTIMIT E SEMUNDJEVE NGJITесе

## Neni 9

Ministria e Shendetesise dhe e Mbrojtjes se Mjedisit, ne rast perhapjeje masive te semundjeve ngjitese, eshte e detyruar te marren masa te energjences, te cilat percaktohen ne akte nenligjore.

## Neni 10

Ministria e Shendetesise dhe e Mbrojtjes se Mjedisit mbulon shpenzimet, brenda buxhetit vjetor te parashikuar per sigurimin e preparateve imunobiologjike, medikamenteve dhe baze tjeter materiale te domosdoshme per parandalimin, diagnostifikimin dhe mjekimin e semundjeve ngjitese, sipas nevojave te institucioneve shendetesore.

Per garantimin e masave parandaluese dhe mjekuese te semundjeve ngjitese, perfitojne mjekime, analiza e vaksina gratis nje kategori personash te semure dhe persona te tjere, te percaktuar nga Keshilli i Ministrave.

Ministri i Shendetesise dhe i Ruajtjes se Mjedisit propozon dhe i kerkon Keshillit te Ministrave mbeshtetje financiare per raste te jashtezakonshme epidemike.

## Neni 11

Ministria e Shendetesise dhe e Mbrojtjes se Mjedisit organizon dhe drejton sherbimin sanitaro-antiepidemik ne pikat e kalimit kufitar detar, ajror e tokesor, ne pershtatje me trafikun dhe situaten epidemiologjike, per te siguruar parandalimin e hyrjes se semundjeve te rrezikshme te Konventes, ne perputhje me normat e percaktuara ne rregulloren sanitare nderkombetare.

## Neni 12

Denoncimi dhe regjistrimi i semundjeve ngjitese te vertetuara ose te dyshuara e bartesit e tyre behen prane sherbimit te luftes kunder semundjeve ngjitese ne Drejtorine e Higjenes dhe e Epidemiologjise dhe ne drejtorite e shendetit publik te rrethit nga te gjitha institucionet shendetesore, shteterore ose private, si spitalet infektive dhe joinfektive, piliklinikat, dispanceri, qendrat shendetesore, mjeku i familjes dhe nga mjeket e institucioneve shkollore e parashkollore.

#### Neni 13

Per parandalimin dhe luftimin e semundjeve ngjitese, institucionet shendetesore qe percaktohen ne nenin 12, pika "b", detyrohen te marrin masa per zbulimin ne kohe, shtrimin ne spital ose trajtimin ne shtepi, izolimin e vaksinimin ne perputhje me rregullat perkatese.

Institucioni shendetesor ose privat qe ka bere denoncimin dhe mjekimin e te semureve me semundje ngjitese, eshte i detyruar te njoftoje edhe per perfundimin e semundjes.

#### Neni 14

Per te gjitha semundjet ngjitese qe transmetohen nga kafshet ne njerez (zoonozat) behet njoftimi i ndersjelle ndermjet organeve shendetesore e veterinare te te gjitha niveleve, shteterore ose private, dhe bashkepunohet per marrjen e masave antiepidemike dhe antiepidemike, sipas dispozitave te ketij ligji dhe te ligjit nr.7674, date 23.2.1993 "Per sherbimin dhe inspektoriatin veterinar".

#### Neni 15

Ministria e Shendetesise dhe e Mbrojtjes se Mjedisit percakton me akte nenligjore:

- a) Listen e semundjeve ngjitese qe duhet te denoncohen, regjistrohen dhe raportohen.
- b) Menyren e denoncimit te semundjeve ngjitese
- c) Llojet e semundjeve ngjitese, mjekimi i te cilave duhet te behet detyrimisht ne spital
- ç) Masat e pergjithshme a te vecanta per secilen semundje ngjitese, duke perfshire edhe ato te luftimit te brejtesve dhe insekteve, kur paraqesin indikacion epidemiologjik.
- d) Dokumentacionin e nevojshem per denoncimin, regjistrimin, anketimin e semundjeve ngjitese dhe vaksinimin.

#### Neni 16

Ne rast shfaqjeje te semundjeve ngjitese, epidemiologet, ndihmesepidemiologet dhe punonjesit e tjere te ngarkuar per

zbatimin e masave parandaluese e mjekuese, kane te drejte te hyjne ne cdo kohe ne ndermarrje, institucion shteteror ose privat dhe reparte ushtarake, ndersa ne banese vetem per te shmangur nje rrezik te aytperatyshem per jeten dhe shendetin e njerezve, per te bere hetimin epidemiologjik, izolimin, shtrimin ne spital, mbikeqyrjen shendetesore te kontakteve, vaksinimin, depistimin, dezinfektimin e mjekimin profilaktik.

Kur punonjesit e mesiperme hasin pengesa ne kryerjen e detyres, kerkojne mbeshtetjen e organeve te rendit publik.

Subjektet qe kane te drejte te hyjne ne objektet e mesiperme, percaktohen nga Ministria e Shendetesise dhe Mbrojtjes se Mjedisit dhe pajisen me librezet identiteti.

#### Neni 17

Me kerkesen e sherbimeve te specializuara per luften kunder semundjeve ngjitese, organet e rendit publik jane te detyruara te ndihmojne, sa here qe hasen pengesa, per plotesimin e detyrave te parashikuara ne kete ligj.

#### Neni 18

Drejtuesit ose pronaret, vendas a te huaj, te ndermarrjeve, objekteve ose institucioneve shteterore, shoqerore ose private, si dhe shtetasit, jane te detyruar te zbatojne detyrat e lena nga epidemiologet dhe ndihmesepidemiologet, ne perputhje me kerkesat e ketij ligji dhe te akteve nenligjore, kur ne mjedisin e objekteve te mesiperme eshte shfaqur qofte edhe nje rast me semundje ngjitese.

#### Neni 19

Per te ndjekur organizimin dhe masat e luftimit te lebres ne shkalle vendi ngarkohet klinika e semundjeve te lekures prane Qendres Spitalore Universitare te Tiranes, e cilaa bashkepunon me sherbimet epidemiologjike dhe dispancerit perkatese te rretheve.

#### Neni 20

Per parandalimin dhe luftimin e SIDA(AIDS) ngrihen komisioni kombetar dhe institucionet e tjera shendetesore ne nivel kombetar e lokal, veprimtaria e te cilave drejtohet nga Ministria e Shendetesise dhe e Mbrojtjes se Mjedisit.

#### Neni 21

Qendrat e dhurimit te gjakut jane te detyruara te bejne kontrollin shendetesor paraprak (laboratorik) te gjithe dhuruesve, sa here qe ata paraqiten per te dhuruar gjak.

Perjashtohen pergjithmone si dhurues te gjakut personat qe kane rezultuar seropozitive me SIDA(AIDS) hepatit viral, malarje ose me semundje te tjera qe transmetohen me ane te gjakut a te nenprodukteve te tij.

#### Neni 22

Institucionet shendetesore shteterore ose private jane te detyruara te zbatojne normat e percaktuara nga Ministria e Shendetesise per sterilizimin dhe dezinfektimin e mjeteve te perdorimit kirurgjikal dhe medikosanitar.

### KREU III

#### MASA PER IMUNIZIMIN E POPULLSISE

#### Neni 23

a) Ministria e Shendetesise dhe e Mbrojtjes se Mjedisit harton dhe zbaton programin e gjere te imunizimit (vaksinimit).

b) Prane Ministrise se Shendetesise dhe te Mbrojtjes se Mjedisit ngrihet "Komiteti Kombetar i Imunizimit", si organ konsultativ qe percakton politiken e vaksinimit ne shkalle vendi.

c) Ministria e Shendetesise percakton kalendarin e vaksinimit te detyrueshem kunder semundjeve te difterise, kolles se mire, tetanozit, fruthit, poliomielitit, tuberkulozit si dhe menyren e ruajtjes, te transportimit dhe te aplikimit te vaksinave.

#### Neni 24

Vaksinimi i detyrueshem realizohet ne moshat 0-15 vjeç dhe ne grate shtatezana nga keshillimoret, mjeku i familjes, nga ambulancat dhe qendrat shendetesore.

Institucionet e mesiperme jane te detyruara te sigurojne evidencimin e sakte te kontigjenteve qe i nenshtrohen vaksinimit, planin e vaksinimit dhe sasite e nevojshme te vaksinave te ruajtura ne kushtet e "zinxhirit te ftohte".

#### Neni 25

Institucionet shendetesore qe jane ngarkuar me vaksinimin, jane te detyruara te pajisin me librezen e vaksinimit gjithe personat qe i nenshtrohen vaksinimit. Libreza e vaksinimit kerkohet dhe plotesohet sa here qe aplikohen vaksinat.

#### Neni 26

Per cdo dryshim qe behet ne vendbanim, brendaperbrenda

rrethit ose jashte rrethit, zyra e gjendjes civile nuk mund te bejne asnje regjistrim, pa pasur dokumentin zyrtar te firmosur nga titullari i institucionit shendetesor(poliklinikes, qendres shendetesore) qe te vertetojne regjistrimin ne keshillimore ose ne ambulance te femijeve qe i perkasin seciles familje qe transferohet.

#### Neni 27

Per cdo femije qe hyn per here te pare ne shkolle (6-7 vjeç), detyrohet pajisja e tij prej institucioneve shendetesore me nje dokument qe provon vaksinimin e kryer sipas kalendarit. Kerkesa e ketij dokumenti dhe ruajtja e tij nga drejtorite perkatese te shkollave eshte i detyrueshem.

#### Neni 28

Per te penguar perhapjen e semundjeve ngjitese qe nuk perfshihen ne nenin 23, shkronja "e", Ministria e Shendetesise dhe e Mbrojtjes se Mjedisit organizon kryerjen e vaksinimit me indikacion epidemiologjik, si dhe per qellimet e udhetimit nderkombetar.

### KREU IV

#### KUNDERVAJTJET ADMINISTRATIVE

#### Neni 29

Shkeljet e meposhtme, kur nuk formojne veper penale, perbejne kundervajtje administrative:

1. Mosdenoncimi, mosregjistrimi i semundjeve ngjitese, mosraportimi i tyre dhe i vaksinimeve, denohen me gjobe nga 200-1000 leke.
2. Mosmarrja e masave ne vatrat e infeksionit, si anketimi, shtrimi ne spital, kur eshte percaktuar i detyrueshem, largimi nga kolektiviteti(cerdhe, kopsht, shkolle, azil, spital etj.), desinfektimi, dezinfektimi, deratizimi, vaksinimi, mjekimi profilaktik e observimi denohen me gjobe nga 300-3000 leke.
3. Moszbatimi i kalendarit te vaksinimit te detyrueshem, mosregjistrimi i personave qe duhen vaksinuar, mosmbajtja ne kushtet e "zinxhirit te ftohte" te vaksinave, falsifikimi dhe korrigjimi i dokumenteve te vaksinimit denohen me gjobe nga 500-5000 leke.
4. Moskryerja e analizave laboratorike, diagnostikuese, profilaktike dhe te rikontrollit denohet me gjobe nga 200-5000
5. Perdorimi i materialeve medikosanitare te pasterilizuara dhe te rikontrollit denohet me gjobe nga 500-5000 leke.

Masa me e vogel e denimit eshte deri 2000 leke.

Kur shkeljet administrative sjellin pasoja te renda ne shendetin e njerezve, ceshtja denoncohet per ndjekje penale ne organet e prokurorise.

#### Neni 30

Per kundervajtjet administrative te parashikuara sipas nenit 29 te ketij ligji denimet me gjobe jepen nga :

1. Mjeket epidemiologje dhe inspektoret e sektorit te mjekesise parandaluese ne Ministrine e Shendetesise dhe te Mbrojtjes se Mjedisit.

2. Epidemiologjet dhe nd/epidemiologjet e rrethit, te Institutit te Higjenes dhe Epidemiologjise, te Ministrise se Mbrojtjes dhe te Ministrise se RenditPublik.

3. Persona te tjere te autorizuar nga Ministria e Shendetesise dhe e mbrojtjes se Mjedisit.

Subjektet e mesiperme pajisen me libreze identiteti.

#### Neni 31

Shqyrtimi i kundervajtjeve administrative, ankimi kunder vendimeve te denimit dhe ekzekutimi i vendimeve behet sipas ligjit nr.7697, date 7.4.1993 "Per kundervajtjet administrative."

#### Neni 32

Dekreti nr.1894, date 5.7.1954 "Per luftimin e semundjeve ngjitese", ndryshuar me dekret nr.4360 date 16.1.1968 dhe nr.5439, date 15.10.1976, si dhe çdo dispozite tjeter qe bie ne kundershtrim me kete ligj, shfuqizohen.

#### Neni 33

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr.672, date 29.10.1993 te Presidentit te Republikes se Shqiperise, Sali Berisha.